

明天尊大慈之澤下副臣等故向之誠謹啓
以聞

十二願

復爐

謹攝香官使者左右龍虎君侍香諸靈官當

令臣向來靜夜行道之所自然生金液丹碧

芝英百靈衆真交會在此香火爐前當願十

方仙童玉女接侍蘭煙傳臣向來所啓之誠

速達徑御

至真無極大道

出堂頌

出戶

道門科範大全集卷之六十七

道門科範大全集卷之六十八

甲

廣成先生杜光庭制

真武靈應大醮儀

設醮行道

法事隆壇如式

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真臣今

靜夜行道謹奏為入竟其諸忱悃已錄告聞

願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝御前

請稱法位

具位臣某與合壇衆等謹同誠上啓

太上無極大道元始天尊太上大道君太上

老君太上昊天玉皇上帝九皇上帝十方無

極太上靈寶天尊已得道大聖衆至真諸君

丈人三十六部尊經玄中大法師北極佑聖

真武靈應真君三界應感一切真靈臣聞龍

漢紀號之初元始演法之日敷五雲之妙座

會十方之衆真上元仙官天樂自響俄於良

位大震七聲奄闢天門下觀世界黑毒血光

之悉自下而衝太陽道境之中俯目皆見爰

有妙行發問異因欲請感光下除魔鬼感天

尊之慈訓述真武之靈蹤淨樂國王善勝皇

后吞日光於夢寐誕聖子於宮闈稟自然之

神靈負過人之勇猛輔行正教難過勤誠捨

斷天下之妖魔普救世間之羣品武當修道

功成於四十二年白日登天德正於北方水

位乃輟金童之侍俾持招真之符遙往朔郡
召其神將仙儀萃止欵駕來斯奉春命於真
皇期肅清於下境披髮而烏雲拂踈跣足而
白玉瑩空躡八卦之神龜騰蛇亦附仗七星
之寶劔神水相隨雷電揚威風雲捧步六丁
玉女六甲直符毒龍猛獸之紛紜巨虬獅子
之圍繞統吏兵之三十餘萬判人鬼於七日
之中彌天之妖氛蕩除作孽之冤魂解散生
人安泰國土清平復朝見於天尊永臨鎮於
北極今醮官某閻殊勳於寶帙難盡揄揚奉
真馭於靈辰欲資祐助爰擇儲祥之地用伸
延聖之儀陳醪醴以惟馨薦粢盛而有潔列
以九微之燭散以百和之香悉罄精衷上祈
沖鑿庶被無疆之福祉永依有赫之威靈臣
與醮官合壇眾等無任佇望仰請之至誠惶
誠恐稽首再拜奉迎真馭

降真

初獻

具位臣某謹虔誠上啓

虛無自然金闕至尊十方無極太上靈寶天

獻茶

散花

初獻

具位臣某謹虔誠上啓

尊已得道大聖眾至真諸君丈人三十六部
尊經玄中大法師北極佑聖真武靈應真君
三界應感一切真靈臣聞英靈混合結萬炁
以齊仙澆偽茲生有羣陰之變異大則日月
薄蝕小則魘魅猖狂自動化失謬於中和使
品彙遂乖於至理洪惟大道寔念黔黎命靈
天正肅之神掃下土長行之炁一揮皂纛咸
珍渠魁奉道醮官某等久奉真光每叨靈蔭
幸仙仗降臨於是日望霄衢祇運於皇威少
輸蟻蟻之誠以接龍駕之馭幸蒙降鑒益謹
欽承摠情悃之再三對靈光於咫尺臣既承
詞悃敢不上聞

宣詞

按如詞言誠深皈奉矧茲下土寔仰餘威驗
若形聲應同影無言念某蠅蛄末品草芥微
生惟勤香火之修其究希夷之妙動違科禁
恐獲譴尤撫已兢惶捫心怵惕敬消穀旦肅
建靈場仰聖度之含容祈天休之普洽綠瑕
蕩垢即蒙一洗之恩度厄延生均荷維新之
澤臣等無任激切祈請之至再拜謹陳亞獻

散花

臣謹重誠上啓

虛無自然金闕至尊十方無極太上靈寶天
尊已得道大聖眾至真諸君丈人三十六部
尊經玄中大法師北極佑聖真武靈應真君
三界應感一切真靈臣聞捧金闕之明威化
身示世為玉京之元輔助正却邪斷滅不祥
巡行有截某久欽聖德恭啟醮筵少伸崇報
之私願被照臨之賜深慮屢機在審積不赦
之深愆業火焚燒造無邊之巨累非投上聖
為保微生伏願與道圓融荷天春佑雲行雨
施盡原已往之非地開天闢廣示自新之路
庶蒙陰相得遂進修臣等無任激切懇請之
至再拜謹陳終獻

散花

臣謹重誠上啓

虛無自然金闕至尊十方無極太上靈寶天
尊已得道大聖眾至真諸君丈人三十六部
尊經玄中大法師北極佑聖真武靈應真君
三界應感一切真靈臣聞上帝九門惟精誠

宣詠

而可格洪範五福繫明德之能徽輒以薰場
仰延霞旆仙科粗息凡惘畢陳上簡帝心徹
大羅之渺渺仰陳天聽凌正色之蒼蒼願遷
無妄之災變作大來之福酌醴已伸於滌蕩
丹心惟効於葵傾仰望洪慈俯歆素志今則
丹輿綠輦排天路以回軒明蓋瓊輪望雲衢
而返駕臣等仰瞻殿馭已在雲霄徒切傾心
奉送聖駕臣等下情無任激切攀戀之至謹
啓以聞

十二願

復鑪

謹攝香官使者左右龍虎君侍香諸靈官當
令臣向來靜夜行道之所自然生金液丹碧
芝英百靈眾真交會在此香火鑪前當願十
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頃

出戶

道門科範大全集卷之六十八

正一天師清微弟子 洪百堅 製作

道教學術資訊網站

道門科範大全集卷之六十九

甲二

道士修真謝罪儀

啓壇行道

法事陞壇如式

各禮師存念如法

宜衛靈咒

九炁青天明星大神煥照東鄉洞映九門
轉燭陽光掃穢除氛開明童子號曰玄卿
備衛我軒上對帝君收魔束妖討捕充羣
奉承正道赤書玉文九夫符命攝龍驛傳
○
普天安鎮我得飛仙與道合真
三炁丹天煥景流光葵星轉燭洞照太陽
上有赤精合契虛皇開明靈童號曰華房
總統大兵備守玉堂斬邪束妖剪截魔王
北帝所承風火莫當流鈴交煥翊衛壇場
正道流行敢有已狂我事上功坐運魁罡
億劫長存保天無疆與道合真
七炁素天太白流精光耀金門洞照太冥
中有素皇號曰帝靈保神安鎮衛我身形
斷絕邪源王道正明官殿整肅三景齊并